

re loquendi orientalium nata videtur, quibus ex femore sati et liberi idem significant. De monte Mero vide notam Wesselingii ad Diod. II, 39. et descriptionem ex libro indico Bagavadam apud St. Croix pag. 312. seqq.

*ἐπὶ τῇ συμφορῇ*] propter casum illum, non adversum, est enim vocabulum medium, neque quidquam adversi accidit Baccho, quod femori Jovis insutus fuerit. Raph.

7. ὅσοι λόγοι] Bacchum tot gentes bellicosas, easque tum temporis Graecis ignotas, usque ad Indos pervisse, nullamque ex iis praeter Indos subegisse, vehementer dubitat Arrianus Exped. V, 1, 2. Sed fabulosa ea, quae de diis veteres tradidere, non esse nimium curiose pervestiganda censet. Quis credat Bacchum et Herculem unquam apud Indos fuisse, quorum religio et mores cultui istorum deorum, quam maxime obstant? Receptae tamen sunt istae narrationes a senioribus de Alexandro scriptoribus, adeoque monumentis publicis posteritati traditae. (cf. P. Corfini Herculis expiat. gesta et labores pag. XXXVII.) Strabo lib. XV. pag. 472. (ed. Casaub.) et seqq. Megasthenem quidem, ait, fidem antiquis de India narrationibus de-

rogare jussisse, at Herculis res gestas et Bacchi cum paucis quibusdam credidisse, quum reliquorum magna pars, interque eos Eratosthenes, fabulosa ea et minime credenda arbitrarentur. Atque omnia ista de Baccho, Hercule et Prometheo figmenta eorum esse, qui Alexandro adulari studerent, primum ex eo liquere, quod scriptores non concordent, sed alii ea referant, alii ne ullam quidem mentionem faciant. Neque vero probabile esse, res adeo illustres, et ambitione plenas non esse auditas; et si essent audita, non videri verosimile, eas memoratu dignas non fuisse existimatas, praesertim a fide dignissimis scriptorum. Deinde per quos Herculi et Baccho ad Indos transeundum erat, eos nullum certum signum habere, quo ostenderent, illos per eam terram transivisse, etc. Qui expeditionem Bacchi in Indiam solummodo Historicis Alexandri tribuunt, non plane errant. At quum Strabo l. l. praeter alia et locum Euripidis (in Bacch. V, 14-18.) in testimonium afferat, jam dudum apud Graecos de Bacchi expeditionibus in Orientem traditionem existisse; (Bacchus ibi gloriatur, se Medos, Persas, Bactrianos, Arabiam, universamque Asiam peragrasset) Macedonibus nihil